



Haforsa grupu agronegósíu

Matadalan simples ba membru grupu to'os-na'in

Matadalan ba formasaun Haforsa Grupu Agronegósiu

Matadalan simples ida ne'e dezenvove hodi fornese koñesimentu báziku sira hodi tulun uma-kain to'os-na'in sira ne'ebé hatudu iniciativa empresariál hodi kompriende benefísiu sira husi harii grupu negósiu no konsidera to'os hanesan negósiu ida, nune'e mos bele fahe kolektivamente rekursu no merkadu.



Data públikasaun: Marsu 2021

Autór sira: Joseph Freach, Beatriz dos Santos (BDS-Smart), Jose Barros & Joanhinha Guterres (TOMAK)

Ilustrasaun: Gibrael Carocho

Harii grupu

Hanesan uma ida karik, baze ba grupu ida atu forte mak FIAR malu.



Atu fiar malu membru sira iha grupu ne'e nia laran presiza:

Transparénsia:

Katak la subar buat ida iha grupu laran. Ema hotu iha direitu atu hatene kona-ba grupu nia atividade.

Standar unidade:

Membru hotu hotu nia produtu tenke sukat ho sasukat ne'ebé hanesan.
Ezemplu: dasi, lata ka seluk.


Regra forte:

Presiza regra forte atu fó konfiansa ba membru hotu iha grupu laran no tenke aplika hanesan ba membru hotu hotu.

Rezolusaun konflitu:

Problema ou konflitu ruma mosu iha grupu laran buka malu hodi rezolve.


Benefísiu husi harii grupu agronegósiu



- Tulun malu liu husi servisu hamutuk no bele asesu ba rekursu grupu ninian.
- Hamenus gastu ka kustu ba material no transporte. *Ezemplu: se grupu sosa sasán ho kuantidade barak bele hamenus kustu ba kada unidade ida*
- Hafasil sosa-na'in sira hodi sosa iha fatin ida ho montante ne'ebé barak.
- Fahe risku: Wainhira hasoru risku ruma membru sira sente kmaan tanba sira bele fahe risku iha grupu laran.
- Halo negosiasaun ho sosa-na'in liu husi grupu forte liu duké halo negosiasaun mes-mesak.
- Bele asesu ba apoiu sira husi organizasaun ruma (MAP, ONG sira, banku, nsst).

Tipu atividade ne'ebé bele halo grupu agronegósiu susesu

- 1. Fa'an hamutuk:** Fa'an sira nia produtu hamutuk ho kuantidade barak bele dada sosa-na'in barak.



- 2. Sosa no fa'an ekipamentus agrícola:** Ezemplu: fini, adubu, traktór, pestisida nsst.



Tipu atividade ne'ebé bele halo grupu agronegósiu susesu

3. Mekanizasaun: Grupu bele fó aluga mákina sira. *Ezemplu tratór-liman, makina baku hare, makina dulas hare, nsst.*



4. Sosa no fa'an produtu to'os-na'in: Grupu bele sosa no fa'an fali produtu sira husi to'os-na'in la'ós membru grupu.



Tipu atividade ne'ebé bele halo grupu agronegósiu susesu

5. Rai no empresta osan: Hanesan kapitál ida hodi tulun to'os-na'in sira iha sira nia atividade agrícola (sosa no fa'an).



Define objetivu no vizaun grupu susesu


Ba membru potensiál sira husu ba ita-nia an rasik “**Saida mak ha'u bele kontribui ba grupu ne'e, no saida mak ha'u hein atu hetan husi grupu ne'e?**”



Se membru hotu kontribui ba grupu, ema hotu sei hetan benefísiu ne'ebé hanesan iha grupu laran. Se karik membru sira mak la kontribui, grupu sei la susesu iha futuru.

Define objetivu no vizaun grupu susesu

- Objetivu:** Deklarasaun ida kona-ba modelu negósiu husi grupu ida-idak nian. *Ezemplu: Ami ne'e grupu produtór modo fresku, distribui ho konfiansa, ba fa'an iha supermarketu no restaurante sira.*



Define objetivu no vizaun grupu susesu

2. Estatutu no regra: Estatutu mak fatin ne'ebé hakerek grupu nia objetivu, estrutura, regra sira, no informasaun sira seluk. Ida ne'e halo buat hotu klaru ba membru sira no hamenus konfuzau.



Estatutu mos tulun hodi ofisializa (legaliza) grupu ida, ba membru sira no mós ba ema sira seluk.

Grupu idak-idak tenke prepara sira nia estatutu no regras rasik hodi sai grupu legál no kaer metin membru sira iha grupu laran

Define objetivu no vizaun grupu susesu

3. Estrutura husi grupu to'os-na'in: Estrutura simples ida ho de'it ema uitoan ne'ebé deside sira nia knaar no responsabilidade ba malu.



Xefe grupu



Tezoreiru



Sekretaria



Responsavel merkadora

Promove grupu nia produtu ba merkadu

Halo promosaun sei tulun sosa-na'in sira atu hatene no koñese di'ak saida mak ita atu fa'an ba sira.



Molok hakbesik ba sosa-na'in sira ita presiza hatene:

- **Sé** mak ita nia konsumidór?
- **Saida** mak sira hakarak?
- **Bainhira** mak sira hakarak sosa?
- Sira hakarak sosa **iha ne'ebé**, no **oinsá** mak sira bele sosa produtu ne'e?

Hatene oinsá produtu fo valór ba konsumidór sira no hatene oinsá mak bele redús difikuldade konsumidór sira nune'e sira hakarak sosa ita nia produtu

Negosiasaun nu'udar grupu ida

- Sosa-na'in sira hakarak atu halo negósiu ho grupu sira tanba sira bele hetan produtu barak dala ida, iha fatin ida.
- Se karik sosa-na'in sosa kuantidade ki'ik liu husi to'osna'in individual sira sei lakon tempu barak, gasta kustu transportasaun barak liu.



Dalan ida atu garante fahe osan hanesan no justu mak membru sira tenke fiar ba prosesu no tenke halo tuir regras hirak ne'ebé mensiona ona iha regulamentu interna grupu nian.

Halo negosiasaun liu husi grupu forte liu duké halo negosiasaun mesak (individu)

Halo ligasaun ho sosa-na'in

Grupu agronegósiu ida bele uza dalan oi-oin (FB, WhatsApp) hodi promove sira nia negósiu.



**Halo promosaun tulun ita atu ema bele hatene produtu saida
de'it mak grupu iha**

Servisu ho sosa-na'in sira

Grupu mos tenke aprende kona-ba halo negósiu nune'e sira hatene dalan sira ne'ebé trazasaun akontese entre sosa-na'in no fa'an-na'in sira. Atu iha trazasaun ne'ebé di'ak no forte presiza iha:

Kontratu: Sosa-na'in sira asina kontratu ho grupu ida ne'ebé atu fornese produtu ba sira. Iha kontratu laran tenke iha akordu ne'ebé klaru.



Distribuisaun produtu: Sosa-na'in bele mai sosa iha grupu nia fatin ou grupu tenke organiza transporte no distribui produtu ne'e ba sosa-na'in.

Pagamentu fatura: Rai fatura ida ne'e seguru nu'udar evidénsia ida ba saida mak sira fa'an ona. *Ezemplu: Saida mak sei akontese karik produtu ne'e nakfakar ouaat iha dalan molok sosa?*

Tranzasaun hotu hotu tenke iha akordu ne'ebé eskrita (hakerek)

Presu no risku iha fa'an hamutuk


Moris ne'e nakonu ho risku. Atividade negósiu hotu-hotu iha risku, tanba ne'e hanesan grupu agronegósiu ita presiza hatene oinsá fahe risku.



Wainhira produtu ida muda husi ema ida ba ema seluk, kada parte husi korrente valór ne'e foti risku balu, maibé mós hetan lukru balu.

Oinsa grupu bele hetan osan?

Funsaun dahuluk husi grupu agronegósiu mak atu buka osan ba nia membru sira.



Dalan atu hetan osan ba grupu mak hanesan tuir mai:

Fa'an sasán: Osan husi fa'an produtu sira ne'e tenke fahe diretamente ba membru sira bazeia ba produtu hira mak sira kontribui ona.


Fundu ba grupu: Kontribuisaun nu'udar membru, lukru husi rezultadu fa'an, lukru husi grupu nia rekursu sira (traktór, rai nsst).



Investe hanesan: gasta osan ba buat ida ne'ebé sei fó fali benefísiu barak liután iha futuru duké montante osan orijinál

Jestaun osan grupu nian – Kofre osan

Moris ne'e nakonu ho risku. Atividade negósiu hotu-hotu iha risku, Kofre osan hanesan fatin ne'ebé atu rai grupu nia osan ho seguru.



Iha kofre nia laran ne'e, osan tenke fahe tuir fundu diferente sira liu husi koloka ba iha pasta ki'ik oan sira. Ezemplu, rai atu halo kontribuisaun, fahe-kustu hodi sosa mákina rumá, fundu atu sosa input (sasan ne'ebé presiza), ka osan ba grupu nia kustu operasionál.

Atu asegura di'ak transparénsia grupu laran, kofre ne'e presiza tau kadiadu 4 no ema na'in 4 husi fatin diferente mak sei kaer xave kofre nian, no so bele loke de'it wainhira iha enkontru grupu

Rai arkivu

Livru arkivu mak formatu planeamentu ba informasaun finanseira bele rai ho di'ak no hadi'ak liután servisu iha futuru.

Liuhusi livru arkivu ita-boot sira sei rai ita-boot sira nia dadus. No ba membru grupu rasik tenke halo sira nia livru rasik nune'e sira kompriende oinsá prosesu ne'e funsiona.



Matadalan simples ida ne'e dezenvove hodi fornese koñesimentu báziku sira hodi tulun uma-kain to'os-na'in sira ne'ebé hatudu iniciativa empresarial hodi kompriende benefísiu sira husi harii grupu negósiu no konsidera to'os hanesan negósiu ida, nune'e mos bele fahe kolektivamente rekursu no merkadu.